

ՀՍԿԱՆԵՐ.– (Գլուխները հանում են եւ հետաքրքիր նայում են փոշա հատիկին:)

ՆԱԶԱՐ.– Ես է՛ ես հսկաների գլուխն էլ կտրեմ ու պրծնեմ:

ՀՍԿԱՆԵՐԸ.– (Գլուխները պահում են:)

ԹԱՄԱԴԱ.– (Գոռում է) Էյ, հսկաներ, ո՞ր ծակն էք մտել, հիմի՛ դուրս արիք, է՛:

ՆԱԶԱՐ.– Կամա՛ց, կփախչեն,

ԹԱՄԱԴԱ.– Վախում եմ. փախած լինեն:

ՎԱՐԺԱՊԵՏ.– Յաղթութի՛ն, փախա՛ւ թշնամին, Հերոսական յաղթութիւն:

ԹԱՄԱԴԱ.– (Զուռնաչիներին) Ապա մի գումնա՛:

ԶՈՒՌՆԱԶԻՆԵՐ.– (Ածում են մի գուարթ եղանակ:)

ՆԱԶԱՐ.– (Վեր է թռչում տեղից եւ դրօշակը սազ անելով սկսում է երգախառն արտասանել)

Ձեռս գցեք, հում-հում ուտեմ դրանց ես,
Ոսկորները կրշըր-կրջըր ջարդոտեմ.
Ձեռս գցեք, փոշի շինեմ քամու պէս,
Երկինք հասեմ, հետքն ու փոշին կորցնեմ:
Էյ, որտե՞ղ էք, մեյդա՛ն արիք, հսկանե՛ր,
Գլուխներդ ֆռռացնեմ, գցեմ վեր:

ԲՈԼՈՐԸ.– Ա՛յ ջան, ա՛յ ջան, ա՛յ ջան:

ՆԱԶԱՐ.–

Քաջ Նազարն եմ, Նազարաշէն քաղաքից,
Յեղս ազնիւ, ապուպապս թագաւոր.
Թռա, զարկի ինչպէս կայծակ երկնքից,
Կրակն ելաւ, բռնեց աշխարհք, սար ու ձոր,
Էյ, որտե՞ղ էք, մեյդա՛ն արիք, հսկանե՛ր,
Գլուխներդ ֆռռացնեմ, գցեմ վեր:

ԲՈԼՈՐԸ.– Ա՛յ ջան, ա՛յ ջան, ա՛յ ջան:

ՆԱԶԱՐ.– Գեադա, Էյ հսկաներին բերեք, աղցան շինեմ դրանց, մի ճանկս գցեք դրանց ոսկորները, մի Էսպէս կըջրտացնելով ջարդեմ, ջարդմըրթեմ, փշրտեմ, տամ քամուն, է՛:

ԹԱՄԱԴԱ.– Հակառակի պէս չեն էլ երեւում:

ՆԱԶԱՐ.– Էնքան գոռացիք, որ էլ հսկա կմնա: (Մաքոյին) Հը՞, ի՞նչ խաբար: